

Kalaallit Nunaanni Inatsisartut

Grønlands Landsting

Kultureqarnermut, Ilinniartitaanermut, Iisimatusarnermut Ilageeqarnermullu
 Naalakkersuisoq
 Doris Jakobsen
 /MAANI

**(UKA 2006/42) Iisimatusarfik pillugu Inatsisartut inatsisaata
 allanngortinneqarneranik Inatsisartut inatsisissaattut siunnersuut pillugu**

Asasara Doris Jakobsen,

(UKA 2006/42) Iisimatusarfik pillugu Inatsisartut inatsisaata allanngortinneqarneranik Inatsisartut inatsisissaattut siunnersuut pillugu ataatsimiititaliami suliarinninnermut atatillugu Inatsisartut Kultureqarnermut Ilinniartitaanermullu Ataatsimiititaliaat arlalinnik apeqquteqarpoq. 17. oktober 2006-imi allakkatigut kiisalu marlunngonermilu ulloq 24. oktober 2006-imi isumasioqatigiilluni ataatsimiinnermi apeqqutigineqartut ilinnit akissutissarsiorneqarsimapput.

Apeqqutit pingaaruteqartut arlallit ersarissisinnerqarsimanngitsut ataatsimiititaliaq isumaqarpoq.

Ilinniagaqarnerit iluarsartuunneqarnerinut aningaasatigut kinguneqaatissat apeqqummut ersaqqarlulluinnartumut tungassuteqarpoq. Ilinniagaqarnerup iluarsartuuteqqinneqarnera pineqartutut pissuseqartoq aningaasaliissutinit atugassat allatut pingaarnersiuffiginagit, kiisalu ungasinnerusoq eqqarsaatigalugu immaqa aamma annertusisanik aningaasaliissutitalimmik piviusunngortinneqarsinnaanngitsoq erseqqillunilu tusarniaanermut akissutigineqartunit arlalinnit aammattaaq erserpoq. Aningaasartuuteqarnerussutit sipaarutissalluunniit imaluunniit sunnuteqaatissat angissusissaat naatsorsorneqarsinnaanatilluunniit missingerneqarsinnaasimanngitsut paasinarsisimatillugu aningaasartuuteqarnerussutissat sipaaruteqarnikkut sunnuteqaatissakkulluunniit matussuserneqarsinnaanngitsut Naalakkersuisoqarfik isumaqarmat tassunga atatillugu naammaginangilaq.

Aammattaaq ilisimatusarfimmut inatsisissamik nutaamik saqqummiussisoqalerpat aatsaat "2008-mit aningaasaqarnikkut kingunerisassanut attanneqarsinnaasumik tunngavik" –mik saqqummersoqarumaarmat Kultureqarnermut Ilinniartitaanermullu Ataatsimiititaliap naammaginangitsutut isumaqarfigaa. Ataatsimiititaliap paasinninnera malillugu siunnersuummi ilisimatusarfik pillugu inatsisissatut saqqummiunneqartut imminnut attuumassuteqartorujussuuneri pissutigalugit naatsorsuinerit taakku maannakkut saqqummiunneqareersimasariaqaraluarput. Iluarsartuussinnermut aningaasartuutit 2007-p kingorna inatsisissatut siunnersuummut matumunnga attuumaasuteqassanngimmata inatsisissatut

Ulloq/Dato:
 25. oktober 2006
 Sags.nr.
 01.39.01.29
 Inatsisartu4
 Allattoqarfiat /
 Landstingets Bureau
 Postboks 1060
 3900 Nuuk
 Oq/tel +299 34 50 00
 Fax +299 32 46 06
 Landstinget@gh.gl
 www.nanoq.gl

siunnersuutit taakku marluk immikkoorsillugit isigineqarsinnaammata isuma taanna ataatsimiititaliap isumaqatigisinnaangilaa.

Immikkoortoq alla erseqqissisinneqanngitsoq tassaavooq aaqqissugaanikkut aqutsinnikkullu ilinniartitaanerit assigiinngitsut marluk taakku qanoq akuleriissinneqarnissaat pissanersoq. Ilisimatusarfimmit Tusagassiortunngorniallu Ilinniarfiannit tusarniaanermi akissutigineqartut innersuussutigineqarsinnaapput. Ilisimatusarnermik tunngaveqartumik ilinniartitsinerit atorfininnissamut sammisumik bacheloritut ilinniarneq tunngavigalugu ilinniartitsinerit ilusiliinissaq qanorpiaq pissanersoq takorloorneqarnersoq aammattaaq apeqqutaasoq maannamut akineqarsimanngilaq. Peqqutit taamatut pingaaruteqartigisut erseqqissaavigineqarnissaat ajornartoq paasinarsisimammat ataatsimiititaliamit toqqissisimanartinneqanngilaq.

Tusarniarneqartumit kingusinnerusukku eqqarsarnartoqartitsisimanerminit tunuartitsisimanerarneqarnera oqaasiinnakkut oqaatigineqarmat ataatsimiititaliamit naatsorsuutigineqarsinnaanngitsoq ilanngullugu oqaatigineqassaaq. Paasissutissaq taamaattoq Inatsisartut aalajangiiffigisassaannut ilanngunneqartussat ilimagineqarpat inatsisissatut siunnersuutip piareersarneqarneranut ilanngunneqarlunilu uppersarneqarsimasussaavooq.

Tunngaviusumik pitsaanerumik erseqqissaaneq tunngavigalugu 2007-p ingerlanerani ilisimatusarfik pillugu inatsimmik nutaarluinnarmik siunnersuuteqartoqarnissaanik pisariaqartitsisoqarnera suli uppersarneqarsimanngitsoq Kultureqarnermut Ilinniartitaanermullu Ataatsimiititaliaq naggataagut isumaqarpoq. Inatsisissatut siunnersuutip kinguartinneqarneranut attuumassutilimmik tigussaasumik pitsaanngequtissat suussanersut pillugit apeqqummut ataatsimiititaliap paasinninnera naapertorlugu paasissutissanik, aalajangiiniarnermi immikkut nukingiuussiniarnermut tunngaviliisuusinnaasumik, paasissutissanik pissarsisoqarsimanngilaq. Inatsimmi atuutereersumi iliutsinik naleqquttunik aallartitsisoqareersimammat 2007-imi immikkut aningaasaliissuteqarnissamik inatsimilluunniit allanngortitsinissamik piumasaaqatitalimmik iliuuseqartoqartussaangimmat, kiisalu nutaamik aaqqissuussineq naapertorlugu ukioq 2009 sioqqullugu ilinniarnerminek naammassinnittunik siullernik peqartussaangimmat illuatungaartigut erseqqikkunarpoq.

Ilisimatusarfik pillugu inatsisissatut siunnersuummut nutaamut Naalackersuisut 2007-imi saqqummiunneqartussat naatsorsuutigisaannut ilinniartitaanermik aaqqissuussinerup nutaap inatsisikkut iluarsivigineqarnissaa tamakkiinerumik aalajangiinissamut tunngavissat utaqqinneqarsinnaallutillu utaqqinneqartariaqartut ataatsimut isigalugu ataatsimiititaliaq maannamut isumaqarpoq. Taamaammat paasissutissanik *nutaanik sukumiisunillu* aalajangiisuusussanik, inatsisissatut siunnersuutip kinguneqaatissaanik nukinginnassusianillu uppersaasuusunik takkuttoqassanngippat, maannakkut katersuulluni ataatsimiinnerni inatsisissatut siunnersuutip sularineqarnerata nanginneqarnissaanik Inatsisartut Siulittaasoqarfiat qinnuigineqalersaanngilaq,.

Tamatumunnga atatillugu ilassutitut oqaaseqaateqarnissamik akissuteqarnissamilluunniit Naalackersuisut kissaateqassagaluarpata taakku

kalaallisut danskisullu kingusinnerpaamik ulloq 26. oktober 2006
ataatsimiititaliameereersimanissaat qinnutigineqarpoq. Ataatsimiititaliap
Naalakkersuisunit ilisimatitsissutigineqartunik misissuisinnaanermut
periarfissaqarnissaa qulakkeerumallugu kiisalu siunnersuummik suliarinninnissaq
eqqarsaatigalugu taamatut piffissaq annikitsigisoq atorlugu akissuteqarnissamut
piffissaliineq pisariaqartutut isigineqarpoq. Naalakkersuisut akissutaat
qarasaasiakkut uunga ahni@gh.gl. nassiunneqarnissaa kissaatigineqarpoq.

Ikinngutinnersumik inuulluaqqusillunga

Juliane Henningsen,
Ataatsimiititaliami siulittaasoq